

REPUBLIKA E KOSOVËS
REPUBLIKA KOSOVA - REPUBLIC OF KOSOVO
GJYKATA SUPREME E KOSOVËS
VRHOVNI SUD KOSOVA - SUPREME COURT OF KOSOVO

- **Për:** Këshillin Gjyqësor të Kosovës (KGJK)
- **Nga:** Dhoma e Posaçme e Gjykatës Supreme e Republikës së Kosovës (DHPGJS)
- **Datë:** 6 tetor 2023
- **Lënda:** RAPORT NARRATIV PËR PUNËN E DHOMËS SË POSAÇME TË GJYKATËS SUPREME TË KOSOVËS PËR PERIUDHËN 01 korrik – 30 shtator 2023

Në DHPGJS gjatë tremujorit të tretë, kanë qenë të angazhuar 14 gjyqtarë në zgjidhjen e lëndëve, 11 prej tyre në shkallën e parë dhe 3 në shkallën e dytë gjegjësisht në Kolegjin e Apelit. Gjatë tremujorit gjyqtarët janë përkrahur nga 7 bashkëpunëtorë profesional, si dhe me nga një zyrtar ligjor.


Lëndët në punë gjatë tremujorit të tretë

Gjithsej në dy shkallët gjyqësore në fillim të tremujorit të tretë të vitit janë trashëguar nga tremujori paraprak 13737 lëndë, janë pranuar edhe 521 lëndë të reja, kështu gjatë tremujorit në punë kanë qenë 14258 lëndë. Prej tyre janë zgjidhur 758 lëndë, kurse kanë mbetur të pazgjidhura gjithsej 13500 lëndë në dy shkallët gjyqësore.

Në shkallën e parë gjyqësore nga **13126** lëndë sa kanë qenë në punë janë zgjidhur **549** lëndë, ndërsa kanë mbetur të pa zgjidhura **12577** lëndë në fund të tremujorit.


Në shkallën e dytë gjyqësore nga **1132** lëndë sa kanë qenë në punë janë zgjidhur **209** lëndë, ndërsa kanë mbetur të pa zgjidhura **923** lëndë në fund të tremujorit.

Në tabelën më poshtë janë paraqitur gjitha lëndët e trashëguara (paraprake) në fillim të tremujorit, lëndët e reja të pranuar, lëndët në punë, lëndët e kryera dhe lëndët e mbetura të pakryera në fund të tremujorit.



Efikasiteti i zgjidhjes së lëndëve në raport me lëndët e reja të pranuar gjatë tremujorit

Shkalla e efikasitetit të lëndëve të kryera në raport me lëndët e reja të pranuar gjatë tremujorit është **145.49 %**, ngase janë kryer **758** lëndë, ndërsa janë pranuar **521** lëndë të reja.



Krahasimi me tremujorin paraprak

Krahasuar me tremujorin paraprak (prill – qershor 2023) kemi një rënje të lehtë të numrit të lëndëve të kryera dhe të efikasitetit në zgjidhjen e lëndëve në raportin lëndët e kryera dhe lëndët e reja të pranuar gjatë tremujorit.

Në tremujorin paraprak janë kryer 791 lëndë, kurse shkalla e efikasitetit ka qenë 234.72% kurse në këtë tremujor (korrik – shtator 2023) janë kryer 758 lëndë, dhe shkalla e efikasitetit është 146.49%.

Faktorët që kanë ndikuar në numrin e lëndëve të kryera dhe në efikasitetit in e gjykatës janë:


Në këtë tremujor shumica e gjyqtarëve dhe stafit administrativ, i kanë shfrytëzuar pushimet vjetore gjatë muajve korrik e gusht, gjyqtarët e shkallës së parë shpesh herë kanë qenë të angazhuar si anëtarë të kolegjeve në seanca gjyqësore, e ky angazhim ka ndikuar në punën e tyre rreth lëndëve të veta, por edhe numri i lëndëve të reja të pranuar në këtë tremujor është shumë më i lartë se në tremujorin paraprak, në tremujorin paraprak kanë qenë të pranuar 337 lëndë të reja, kurse në këtë tremujor janë pranuar 521 lëndë të reja.

Po ashtu në këtë tre mujor dy gjyqtar të shkallës së parë kanë qenë në pushim mjekësor, njëri një javë dhe tjetri katër javë.

Lëndët e zgjidhura sipas natyrës ligjore gjatë tremujorit


Në tabelën më poshtë, janë listuar lëndët e zgjidhura gjatë tremujorit të tretë, që përfshijnë:

191 lëndë - AC - I, Ankesat kundër vendimeve të shkallës së I-rë të Dhomës së Posaçme,
18 lëndë - AC - II, Ankesat kundër vendimeve të gjykatave të rregullta,
3 lëndë - C - I, Paditë e Privatizimit dhe të Ndryshme,
16 lëndë - C – II, Paditë nga Mardhënja e punës, dhe Listat e punëtorëve për 20%,
39 lëndë - C – III dhe SCC, Paditë Pronësore,
491 lëndë - C – IV dhe SCL, Paditë e Likuidimit.



Publikimi i vendimeve gjatë tremujorit të tretë

Gjatë tremujorit të tretë është vazhduar me publikimin e vendimeve të Gjykatës, kështu që janë publikuar në Web faqe, gjithsej 334 vendime të Dhomës së Posaçme. Prej tyre 237 vendime janë të shkallës së parë gjyqësore, kurse 97 vendime janë të shkallës së dytë.



Regjistrimi i lëndëve të vjetra në SMIL

Gjatë këtij tremujori është vazhduar me regjistrimin e lëndëve të vjetra në sistemin SMIL, kështu që deri më tani janë regjistruar gjithsej **13794** lëndë dhe kanë mbetur për tu regjistruar përafërsisht rreth **500** lëndë.

Lëndët e regjistruara në SMIL sipas natyrës ligjore:

AC - I, Ankesat kundër vendimeve të shkallës së I-rë Dhomës së posaçme: janë regjistruar në SMIL **328** lëndë,

AC - II, Ankesat kundër vendimeve të gjykatave të rregullta: tash për tash nuk mundë regjistrohen se nuk i pranon Sistemi. Përpjekjet janë bërë edhe me Zyrtar trajnues,

C - I, Paditë e Privatizimit dhe të Ndryshme: janë regjistruar në SMIL, **119** lëndë,

C – II, Paditë nga Marrëdhënia e punës dhe Listat e punëtorëve: janë regjistruar në SMIL **1703**,

C – III dhe SCC Paditë Pronësore: janë regjistruar në SMIL, **4164** lëndë,

C – IV dhe SCL, Paditë e Likuidimit: janë regjistruar në SMIL, **7480** lëndë.

Seancat gjyqësore publike

Gjatë tremujorit të tretë, kolegjet gjyqësore i kanë caktuar dhe i kanë mbajtur **31** seanca gjyqësore publike.

Identifikimi i problemeve dhe propozimi për zgjidhjen e tyre

Lidhur me problemet, svidat dhe vështirësitë që i ka DHPGJS-ja, tashmë është raportuar në KGJK, gjatë raportimit të punës së DHPGJS-së për tre mujorin e dytë, në muajin korrik të këtij viti. Këto probleme po thuajse mbeten të njëjta. Procesi lidhur me pozitat e shpallura për tre gjyqtar duhet vazhdoj menjëherë, dhe ky proces të përmbyllet, sa më shpejtë që të jetë e mundur. Kjo për shkak se pak do ta zbuste problemin e mungesës së gjyqtarëve të mjaftueshëm. DHPGJS-ja në bazë të ngarkesës që e ka me lëndë, nevojat reale për gjyqtar, në të dy shkallët është ti ketë 20 gjyqtar.

Gjithashtu dua ta paraqesë nevojën që sa më shpejtë që të jetë e mundur të plotësohen **pozitat e lira** në DHPGJS siç janë: dy bashkëpunëtorë profesional (njëra pozitë është e lirë nga muaji korrik i këtij viti kur një bashkëpunëtor është transferuar në Gjykatën Themelore në Ferizaj, e pozita tjetër lirohet në fillim të muajit nëntor të këtij viti, kur një bashkëpunëtorë shkon në pension), një udhëheqës i Zyrës për Mbështetje Juridike, të plotësohet pozita e lirë e një përkthyesi dhe një dorëzuesi.

Lidhur me problemin e përkthimit kam raportuar edhe në tremujorin paraprak. Krahas plotësimit të shpejtë të pozitës së lirë të përkthyesit, duhet gjykatës ti lejohet edhe një pozitë tjetër e re. Aktualisht lëndët e dërguara për përkthim në Njësinë e përkthimeve, mbesin 2-3 muaj deri sa të

përkthehen, nga se janë grumbulluar dokumentet dhe vendimet që duhet të përkthehen. Njësia e përkthimeve, nëse do ti kishte 4 përkthyes, do të shkurtohej ndjeshëm koha e pritjes për përkthimin e dokumenteve.

Një tjetër problem është edhe hapësira e pa mjaftuar e punës. Ardhja e gjyqtarëve të ri, dhe plotësimi i pozitave të lira për stafin e gjykatës, imponon nevojën e sigurimit të hapësirë së re për punë. Kjo do të jetë një svidë e re, kur dihet ngarkesa që është sot në Pallatin e Drejtësisë.

Tutje ka edhe disa kërkesa të natyrës logjistike, të cilat në bazë mundësive që janë, duhet ti zgjidhim me SKGJK.

